

Innu-aimun

Eshi Tshispeuatakanit Netshent Ka piuenimakanit

Shash takun ne eshi uauitshiakanit ne tshent ka piuenimakanit nete etat kie tshika ua uitshiaknut tshe tshi minupit kie tshika minuanakanut miam nenu kaminupantauite Nipunant kie Napatau.



Newfoundland
Labrador

Justice

Eshi nakuak ume mishineikan

Shetan pishum peik e tshistauakant 2006 ka itestet miste tshitashun. Tuktakanuipan neme tsheu utshimau mishineikan tshe tshi minu uauitshiakanit ne tshent ishkueut, napeut kie auassit ka piuenimakanit ute Nipunant kie Napatau. Ume mishineikan miste ispitentakanu miam tshipa tshi makunakanu auen ka piuenimat auenu-a kie ishinakunu tshe tshi ueueshiakant. Mishineikan takun ne miam etentakuak Nas uipat tshetshi uauatshiaknt ne auen ka piuenimakant kie ne tshent auassit uipat tshe tshi tshipananut ua uaitshiakanit miam tshekuan espintshi shaputu tshe tshi takunat nete tshe itutiakanit.

Ume issishuemikan mishineikan tshe tshi mitshe tuiet nete takuak tshipa isha uauitshikanut auen tshent kie tshika takun nete ute ka ueuestakant tshe tshi tshishatistet neme mishineikan nas tsheka minekash ishiuapatakant miam ututakantshi uipat tshekuan. Shash ume takun mishineikan tshe ishi uauitshikut auen.



Tshekuan ne Uipat tshetshi minu nakatuenimakanit auen mishineikan?

Mishineikanu nete ka ueuestakant utinakanu tshe tshi nas uipat uauitshiaknt ne auen ka piuenimakant miam shaputu tshe tshi uauitshiaknt kie nas tsheka minakash ishi uapatak nenu tshe tshi uauitshikant. Ume katshi tutakantshi mishineikan ka eimit tshika tshi tapatum kie katapan tshika ishi ueuetishutem nenu e ispinet tshekuanu kie eshi piuenimakantshi nenu auenu-a. Nist pishumua tshipa ispish tshika apiten ume mishineikan miam tshe ispishinanut tshe tshi ueuetishumatishut ne auen ka piuenimaknt kie thika ispishiu tshe tshi tutakat tshekuanu uatutak.

Ne mishineikan eukunu-a etapistakant miam uieueshiaknatshi auen?

Mauat, apu itaspistakant ne mishineikan miam uieueshiakantshi auen muk etikuaki tshe kuanu tshe tshi ueueshiakant auen tshika ueueshiakant nete ka ueuestakanit. Kie tshika ni tussentakamut pita ne tshent kamakunueshit eku patush tshe ueueshiakant auen. Muk iat tshipa tshi na tumentam umenu auen mishineikanu tshe tshi minu nakatuenimakant nete ut ka ueuestakanit. **Ume eishi nakatuenimakant auen mieu tshe tshi mitshi uauitakant ne anamashun kie piuenimitun nete auen uetutet.**

Tan eshi tutakant ume mishineikan?

Tante mistei ispistentakanu ume espintshi tshekuan uipat nas tshipa tutakanu ume mishineikan kie nta muk tapipeikana tshi tutakanu kie ka makuneueshit umenu tshika tutamut. Ne esk eka tutakant mishineikan nas tshika uitapuetam ne auen ka piuenimakant kie uin tshipa issishueu nenu uatutak mishineikanu kie tshika mishinatautitshu mishineikanu nenu tippuetak. Net she tshi mnupant auen ui tutakai umenu mishineikan:

- ne auen uiatipimat kie put shash katshi uitapimat nenu-a ka piuenimukut punikut iat ka niputai kie put tapiskut napeut kie ishkieut utipamatutai.
- Kie put tantshi utiuassimuaua iat peikun eka uitapimitut iat tshipa tshi tutamut umenu mishineikanu.

Ne tsheu tshimau umushiniekan uauineu nenu-a tshipa tutaminua nenu mishineikan:

Kamakuneueshit tshipa tshi tutamut umenu mishineikanu nete ut ka ueuestakanit miam tshe tshi pitepintat nete kaminanunit kie put tshe tshi pitakatat nete ka ueuestakanit miam e tussanuntshi.

Ka uauitshiaushut nete ka ueuestakanit iat tshika tshi tutamut umenu mishineikanu miam tshe tshi itutat nete ka ueuestakant kie put tshe tshi pitepintat nete ut kaminanut.

Ne auen ka piuenimakant kie uin tshipa tutam umenu mishineikanu nete tshe tshi itutet nete ka ueueshitunanunit miam tshe tshi shakisantat umshinieikan.

Tan tshe ispish ishi uapatakant ne mishineikan?

Apu tshika peik tshishikaua ishi uapatak auen nenu mishineikan. Uipat katshi tshitapataki ne ka eimit uipat tutakanu.

Umenu eshi uauitshiakant iat auen nenu katshi tutakantshi umushineikan:

- Tshe tshi uniuut uenipissish nete uitshit ne auen ka piuenimakant.
- Ka makunueshintshi tshe tshi uniuitshinakant ne auen ka piuenimat nenu-a kutaka auenu-a.
- Ka mkunueshintshi tshe tshi uitsheukut nenu-a uinatakai umutshieishima kie put nenu eitapistashut.
- Uenipashish tshe tshi kanauentakantshi nenu etapistashut miam utapan, utakushiu kanuma kie nenu-a kutaka kanua.
- Ka makunaueshintshi tshe tshi utinamantshi nenu eshi kana uentashut nete uitshit miam ne passikana kie put mukamana kie nutam tshekuan e katshimak.
- Tshe tshi utinakantshi uenipassish nenu-a uti uassima.
- Tshe tshi kustinakant nenu auen ka piuenimat nenu-a kutaka auenu-a miam tsheka nas pesshish tat nete etantshi kie tsheka eimiat.
- Tshe tshi tshishikashut nete mitshiuapanu kie put ne kapinanut mitshiuap.
- Tshe tshi kustinakant tshe tshi utinak tshekuanu nete mitshiuapit ne ka piuenimat nenu-a kutaka auenu-a.
- Kie nenu eshi ueuetishumakant nete ka ueueshitunanunit nutam tshika ui nashatum net she tshi minu nakatuenimakant ne ka piuenimakant.

Tshekuan tshe ispint miam kanashatikantshi ne mishineikan?

Pikunakantshi ne ishineikan tshika ueueshiakanu auen kie tshika ntuentimuaknu shuniaunu espish nish tshe mitashimatunu kie kutuass tatupishuma tshika makunakanu. Eku minuat tshe sipatakantshi eukunu eku petetat tautu tshe mitashimatunu tshika ispish nituentamuakanu kie peik apuna tshika makunakanut.

Ne tshent na niskumakanit kassinu umenu ka uauitshiaushut

Ume ka tutakant mishineikan tshe tshi tshispeu- atakanit netshent ka piuenimakanit utshent nutam uauitshiaushut tshe tshi tutakant ume mishineikan. Nenu tsheu tshimau nete ut ka ueuestakanit kie ne tshent ishkieua ka uauitshiat nete ut utenat.

Nete ut ishkieua ka uauitshiat kie nete ka kanauenimakanit ishkieut, kie netshent ishueua ka uauitshiuetshi miam ne katshi mushes- ketepatakantshi ishkieu, kie nete kamaku- nakeishit kakanakuenimakanutshi, innu ishkieua ka uauitshieutshi, utshimau ishkieut umushi- naikan tshiuapat, utshimau kamakunueshit nete nutem eshi nakushit ne tshent ka makunueshit, ka ueueshitunanut, ne tshent ka uauitshiaushut, ne tshent ka uauitshiat nenu-a ka piuenimakanitshi ishkieua, kie nete nutem eshi uauitshiakant auen eshi pampint nete ka ueuestakanit mak nete ut uauitakant nenu tshipa eitutuakanu auen.

Nutam mue tshent ka uauinakanutshi mamu itusseut tshe tshi minu tutakant ume atusseun kie mamu ui tutamut nenu tshekuanu uatutakanit. Tshi tshue miste minu atusseut kie numat minu- atamut katshi tutakau ume mishineikanu tante ishinakun tshe tshi uauitshiaukanit ne tshent ka pi- uenimakanit auen tshent kie ishi nakun tshe tshi kutshipantakant tshe tshi nakaikant ume piuenim- itun.

Nete kaut tipentakant ne ka ueueshitunanut ne utshimau ui utinam umenu tipeikanu tshe tshi nutam naskumat umenu-a mamu kai ituskata- mantshi umenu mishineikanu kie tshe tshi takuak ne mishineikan tshe tshi tshispeuatakanit ne tshent auen tshent ka piuenimakanit.



Ume katshi tutakantshi mishineikan tshika ishi nakushu-a auen miam katshi ueeshiakantshi?

Mauat, apu tshika ishinakuauk ne miam katshi ueeshiakantshi auen tante esk umenu apu ueeshiakant kie muk tutakanu mishineikan tsheka minuat nutshikuat nenu-a ka piuenimat.

Tante kau tshi natussenten etu ume mishineikan?

Etu ui natussentimekui ume mishineikan kie etu minu uauitakanu nete ut kapuite miam nete uet tipentakantshi nenu-a ka ueestakantshi. Ume istateu nete

www.justice.gov.nl.ca

Mak nenu-a mishineikana ui shakasantaikui ute tshipa tshi utinenu nete iat ka ueeshitunanut **www.court.nl.ca/provincial/epo.htm**



Justice

Department of Justice
4th Floor, East Block, Confederation Building
Box 8700, St. John's, NL
A1B 4J6

Telephone: (709) 729-5942
Facsimile: (709) 729-2129
Email: justice@gov.nl.ca
Web: www.justice.gov.nl.ca